

SCRIPT OF MORNING GOJRI NEWS BULLETIN 11MAR 2025

1015HRS

مارنگ گوجری نیوز بولٹن 11 مارچ 2025

یوہ آکاشوانی جموں ہے عبیدالرحمان تیں خبر سُنو۔

PM MAURITIUS VISIT

وزیر اعظم نریندر مودی ماریشیس غا ۲ روزہ دورہ ور اج سویرے پورٹ لیوز چُج گیا ہیں اس ۲ روزہ دورہ ور نکلتے وقت وزیر اعظم نے اپنا بیان مانہ کہیو تھو کہ مارشیس بھارت غو بحر بند مانہ اہم شراکت دار ہے تے برا عظم افریقہ تک جان غو ایک اہم رستو وی ہے جناب مودی نے کہیو کہ دُوئے ملک تاریخی جغرافیائی تے ثقافتی طرز ور ایک دوجا نال گہرو تعلق رکھیں جناب مودی نے کہیو کہ وے ماریشیس غی لیڈر شپ نال مل غے عوام غی فلاح وبہبود تے بحر بند علاقہ غے اندر حفاظتی صورتحال نانہ مزید بہتر بنان ور تبادلہ خیال کریں غا وزیر اعظم اج ماریشیس غا وزیر اعظم نوین چندرا نال ملاقات کریں گا تے اُس تیں بعد اج شام منعقد ہون آلا ایک پروگرام مانہ شرکت کریں غا۔

CM BORDER

وزیر اعلیٰ عمر عبداللہ نے گزشتہ روز اپنا ایک بیان مانہ کہیو ہے کہ قبضہ لکیر تے بین العوامی سرحدیں ور فائربندی نال سرحدی علاقے اندر سیاحت نانہ بادو ملیو ہے آکاشوانی جموں گا نمائندہ نے خبر دتی ہے کہ اوڑی انتخابی حلقہ غا ممبر سجاد شفی غی طرفوں پوچھیا گیا ایک سوال گو ضوابط دیتا مانہ وزیر اعلیٰ عمر عبداللہ جہیڑا جے سیاحت غی وزارت غو عہدو وی رکھیں نے اسمبلی مانہ دسیو کہ سرحدی علاقے اندر فائری بندی معاہدہ نال سیاحت نانہ فروغ مل رہیو ہے تے علاقہ غے اندر مان غی صورتحال سیاحت نانہ مزید بادو دے گی۔ موصوف نے مزید کہیو کہ سیاحان نے اُن اوڑی غا امن سیتو تے کئی دوجی سیاحتی جگہاں ور جانو شروع کردتو ہے تے ان علاقے اندر سیاحت نانہ مزید فروغ دینو سرکار غی ترجیحات مانہ شامل ہے۔

SCHOOLS

حکومت نے گزشتہ روز اعلان کیو کہ ۴ ہزار ۳ سو ۸۵ تیں متہ سکولیں اتنےہ قریبی تعلیمی ادارے شامل کردتو گیو ہے جہیڑو ریشنلایزیشن سکیم غے تحت کیو گیو ہے آکاشوانی جموں گا نامہ نگار غے مطابق رُکن اسمبلی راجیو جسروٹیہ غا سوال غا جوان مانہ وزیر تعلیم سکینہ اتو نے کہیو ان وچوں ۱ ہزار ۲ سو ۴۷ سکول جموں علاقہ مانہ تے ۳ ہزار ۴۸ سکول کشمیر علاقہ مانہ شامل ہیں۔ حکومت غے مطابق کشمیر مانہ سب تیں زیادہ سکول بارہمولہ ضلع غا ہیں تے جموں علاقہ مانہ سب تیں زیادہ متاثرہ ضلعو جموں ہے۔ اُساترہ غی خالی آسامیاں غا حوالہ تین وزیر نے دسیو کہ جموں غا علاقہ مانہ ۵۶۶۱ ماسٹر ۸۱۲۲ لیکچرز ۲۰۴ ہیڈ ماسٹر تے ۰۴ پرنسپل غی آسامیاں خالی پئی وین ہیں۔ اسے طرح کشمیر غا علاقہ مانہ ۱۷۶۱ ماسٹرز ۷۵۹۱ لیکچرز تے ۰۰۳ ہیڈ ماسٹرز غی آسامیاں خالی ہیں جس غی وجہ تیں تعلیمی نظام ور دباؤ پے رہیو ہے۔

UNEMPLOYED YOUTH

حکومت نے آج دسیو کہ جنوری ۲۰۲۵ توڑی ۳ لکھ ۰۷ ہزار تیں زیادہ بے روزگار نوجوان روزگار پورٹل ور اندراج کراچکا ہیں آکاشوانی جموں گا نامہ نگار غے مطابق ان مانہ ۱ لکھ ۳۱ ہزار گرجیوٹ تے پوسٹ گرجیوٹ نوجوان شامل ہیں جہیڑا ملازمت غی تلاش مانہ ہیں۔ اسمبلی مانہ بی جے پی غا رکن اسمبلی شام لعل شرما غا تحریری سوال غا جواب مانہ نائب وزیر اعلیٰ سریندر چودھری جہیڑا کہ روزگار محکمہ گا وزیر وی ہیں نے کہیو حکومت ہنر مند تے غیر ہنر مند نوجوانان واسطے روزگار غا موقع پیدا کرن غی پالیسی بنا رہی ہے۔ وزیر نے مزید وضاحت کی ایک بیش لائین سروے مانہ ۴ اشاریہ ۳۷ لکھ افراد ۸۱ تیں ۰۶ سال غی عمر غے بشکار شامل کیا گیا جن مانہ ایک بڑی تعداد نے ملازمت غی کواہش ظاہی کی مگر فی الحال وے بے روزگار ہیں۔

ENFORCEMENT DRIVE

جموں ضلع مجسٹریٹ سچین کمار ویشیا غی ہدایت ور گزشتہ روز جموں کی شمالی تحصیل غے اندر ایڈیشنل ضلع مجسٹریٹ انسویا جموال غی نگرانی مانہ ٹریفک ضابطان غی عمل آوری متعلق مہم شروع کی گئی۔ اے ڈی ایم تے ایس پی رورل برجیش شرما غی ٹیم نے ٹریفک قوانین غی خلاف ورزی کرن آلاں افراد ور کاروائی کی اس دوران تقریباً ۲ سو ۰۸ گڈیاں کی جانچ ہوئی تے ۱۷ چلان کیا گیا اس تیں علاقہ ۶۱ گڈیاں نانہ ضبط کیو گیو۔ اس مہم غے دوران تقریباً ۱ لکھ ۰۷ ہزار ۸ سو روپیاں گو جرمانو ٹریفک قوانین غی خلاف ورزی کرن آلاں ور کیو گیو۔

JK BOSE INSPECTION

جموں کشمیر بورڈ برائے اسکولی تعلیم غی ٹیم نے گزشتہ روز جموں کشمیر غا تمام ضلعان غے اندر بکھ بکھ ۰۰۱ امتحانی مرکزوں ور اچانک دورو لایو تاکہ امتحانات نانہ شفاف طریقہ نال منعقد کرايو جاسکے۔ اس دوران امتحانی مرکزوں ور تقریباً ۵۹ طالب علم امتحانی بے ضابطگی کرتا پایا گیا جن ور بورڈ غی ٹیم غی طرفوں کاروائی کی گئی بورڈ نے مرکزوں غا سوپر انٹینڈنٹ تے دیگر عملہ نال مل غے شفاف طریقہ نال امتحان منعقد کران غو عہد لیو ہے تے اس وقت اسکولی تعلیم بورڈ ۰۱ ویں ۱۱ ویں تے ۲۱ ویں جماعت غا امتحان لے رہیو ہے جہیڑا جے مارچ ۲ ہزار ۵۲ غا آخر تک مکمل ہو جئیں گا۔

KHELO INDIA

ضلع بارہمولہ غے اندر چل رہی کھیلو انڈیا سرمائی کھیڈ مقابلوں گا ۵ واں ایڈیشن غے ۲ طاہرو کیو ۱۱ دوجے تہاڑے کھلاڑیاں نے کھیڈ گا بکھ بکھ زمراں مانہ بہترین کارکردگی غو ا مردان وستے منعقد سکائی ماوٹینرنگ کھیڈ مانہ پو نے مہاراشٹرا غا سدہات گڈیکر نے بہترین کارکردگی غو مظاہرو کیو تے سونا غ و تمغو حاصل کیو ورٹیکل سکائی مانتھگرننگ کھلاڑی تنزن ڈولما نے اپنو پہلو سونا غو تمغو حاصل کیو خواتین وستے نارڈک سکائی سپریت مقابلوں مانہ آئی ٹی بی پی نے ترے تمغه حاصل کیا جد کہ مردان گا زمراہ مانہ یہ تمغو فوجی کھلاڑیاں نے حاصل کیو۔ سونو بورڈ مقابلہ مانہ جموں کشمیر غا زبیر احمد لون نے سونا غو تمغو حاصل کیو تے اسے زمراہ غا خواتین مقابلہ مانہ سونا غو تمغو ہماچل غی ارچنا ٹھاکر نے حاصل کیو۔
